

Premi speciâl de ARLeF pes scuelis de infanzie e primariis

Inte suaze dal concors "Città Fiera premia la tua Classe"

Al torne ancje par chest an scolastic 2023/2024 l'apontament cul Premi speciâl de ARLeF pai elaborâts plui bieî in lenghe furlane, che lis scuelis a podaran presentâ te suaze dal concors "Città Fiera premia la tua Classe".

In cheste edizion dal Premi speciâl de ARLeF, i arlêfs des **scuelis de infanzie** e des **scuelis primariis** dal teritori furlanofon a podaran impiâ la lôr fantasie in lenghe furlane zuiant cun sbilfs, aganis e tapêts magjics.

La iniziative si divî in dôs categoriis:

- **pes scuelis de Infanzie e pes classis I e II de scuele Primarie:** realizazion di un dissen ispirât al teme "*Il mont des aganis e dai sbilfs*". Si puedin presentâ lis oparis in forme individuâl (un arlêf) o coletive (la classe);
- **pes classis III, IV e V de scuele Primarie:** produzion di un teme in lenghe furlane, scrit daûr des regulis de grafie uficiâl, ispirât al titul "*Cul tapêt magjic o pues visitâ...*".



Obietîf comun des dôs categoriis di partecipazion al è stimolâ i plui piçui a imparâ e esplorâ il mont midiant de lenghe furlane e de culture dal teritori. Si valutaran la creativitât, la inventive e lis competencis linguistichis dai arlêfs.

La ARLeF e premiarà la miôr produzion di ogni categorie cuntun

bon di € 250,00 par comprâ materiâi e imprescj utii ae didattiche. Il bon al larà ae scuele de classe o dai scuelârs che a àn vinçût.

Tant che ricognossiment pe adesion al Premi Speciâl, la Agenzie e darà a dutis lis classis materiâl didatic in lenghe furlane e un atestât di partecipazion.

"Città Fiera premia la tua Classe al è un progjet che al conferme il valôr de didattiche plurilinghâl e o sin braurôs di partecipâ a cheste iniziative di aromai cinc edizions. O sin pardabon sodisfats de adesion des scuelis al Premi Speciâl ARLeF", al declare il diretôr de Agenzie, William Cisilino.

"La partecipazion des classis e cres edizion dopo edizion e par chest o disîn graciis ai insegnants. I elaborâts, cun di plui, a vegnin scrits dai partecipants cun cetant entusiasim e origjinalitât."

I elaborâts a àn di rivâ **dentri dai 31 di Zenâr dal 2024**. Ducj i detais par partecipâ ae iniziative a son a disposizion sul sît www.arlef.it

ZEROGRAPHIC

Grafica | Stampa | Design | Web

everything starts
from Zero.



Via Mulino Pevar 18 - 33030 Buja (UD)

✉ info@zerographic.it ☎ 0432 876587